

草堂嗣響
元



梁劉願天百選

草

草

卷一	卷二	卷三	卷四	卷五	卷六	卷七	卷八	卷九	卷十
...



梁溪顧天石選

草堂嗣響

辟疆園藏板

例言

一 昭代詞家林立人歐晏而家蘇辛雖海內選刻
 充棟蒐羅莫罄蓋前輩名作美不勝收而將來者
 正未艾也余管窺一隅詎敢云選乎茲帙也因偶
 客山東與振路西銘兩先生朝夕唱和兼得益平
 黃子以永遺稿意欲彙成一編聊以自攜而兼取
 平日所愛名家諸作悉列其間以為程式皆就見
 聞所及之一二不備不繁名曰草堂嗣響知我者
 幸諒其望一漏萬倘海內作者不棄弁鄙郵寄各
 篇尙容二刻嗣出以補茲編之闕畧



梁溪顧天石選

草堂嗣響

辟疆園藏板

例言

一 昭代詞家林立人歐晏而家蘇辛雖海內選刻
充棟蒐羅莫罄蓋前輩名作美不勝收而將來者
正未艾也余管窺一隅詎敢云選乎茲帙也因偶
客山東與振路西銘兩先生朝夕唱和兼得益平
黃子以永遺稿意欲彙成一編聊以自攜而兼取
平日所愛名家諸作叅列其間以爲程式皆就見
聞所及之一二不備不繁名曰草堂嗣響知我者
幸諒其望一漏萬倘海內作者不棄弁鄙郵寄各
篇尙容二刻嗣出以補茲編之闕畧

一詞調名兩宋以後日異月新更僕難數有一調而數名者皆好事者厭常喜新故爲多岐如醜奴兒之卽采桑子鳳棲梧之卽蝶戀花百字令之卽念奴嬌等在諸公偶拈不妨互異旣彙一處便當從同今皆止從一名亦不注別名于下蓋詞之工拙無預此也

一詩亡而後詞作非詩亡所以歌詩者亡也詞亡而南北曲作非詞亡所以歌詞者亡也宋世之詞皆登諸絃管今則否矣旣不入歌則當取其易于成誦者爲之安用彼詰屈聱牙者哉詞調中有連用

短句頻押頻轉如河傳等有連不用韻趕至五七句始一押如八六子等有句內連用平聲如壽樓春等有半腰轉平爲仄不復歸平如換巢鸞鳳等有極長篇屢用三字句雜碎無收煞如六州歌頭等推類而言不可勝數此等當時想便于歌今則不良于讀矣茲集調之太聾牙者不錄

一詞調名前人業已大備惟患取用不盡今歌法已亡無從審其某調入某律某句犯某宮矣則當依譜所有倣而填之近見有創新調爲自度曲者雖才人不難自我作古然亦無異于後人杜撰古樂

府名目也茲集調名不見于譜者不錄

一能用唐詩入詞則詞妙然而詞決非詩能用宋詞入曲則曲妙然而詞決非曲蓋詞自有詞之體製詞之聲情似詩則太文似曲又太俚二者俱失也譬如用史漢八大家入時文固妙然時文豈遂爲古文哉

一善于詞者命意欲高亢激不可選語欲麗雕琢不可措辭欲近俚俗不可設色欲鮮堆砌不可下字欲雋纖巧不可言情欲深長淫褻不可弔古欲慷慨咆哮不可咏物欲精細穿鑿不可贈答欲婉摯

率直不可寫景欲清新平弱不可擬古欲鎔化蹈襲不可全意欲貫串敷演不可押韻欲穩當強叶不可短調欲簡警庸淡無奇不可長調欲頓挫頭上安頭不可至于用字犯重亦當避之有意而犯無妨也

一宋人詞多不著題蓋有卽咏本意其他什九皆言情及四時景耳若盡著題必連篇云春景春景閨情閨情亦覺可厭矣茲集惟咏物弔古贈答著題餘悉不用

一二十字起至五十九字爲小令六十字起至九十

草堂詞譜 卷一
二字爲中調九十三字起至百數十字俱爲長調
不知何人畫此界限朱竹垞太史曾斥而非之然
既有此名仍之可也今定小令爲一卷中調爲一
卷長調爲二卷依草堂例

一卷首列詞家姓字鄉里不著官爵嫌其類于縉紳
便覽也其閨秀則附于後

一詞韻斷宜依傍沈韻若東之通冬江之通陽寒刪
之通先庚青之通蒸無妨也若支微通于魚虞真
文通于庚青則濫矣上去入亦然茲集韻太雜者
不錄

一選本加圈近于時義且世眼不同安敢以已見爲
定茲炤京少瑤華集例止加小圈以別句讀

一題下不敢書名惟注字及號亦依草堂例

一集中並列拙詞非寬選已作實欲藉此請教耳閱
者諒之

已丑六月上澣湘槎彩識

詞家姓氏

吳梅村

偉業字駿公江南太倉人

梅村集

龔芝麓

鼎孳字孝升江南合肥人

香巖詞

曹秋岳

洛一字潔躬浙江嘉興人

寓言集

方鷗餘

太猷浙江烏程人

棠村詞

梁蒼巖

清標字玉立直隸真定人

棠村詞

許漱石

承欽湖廣漢陽人

粘影詞

彭禹峯

而述河南南陽人

李坦園

爵直隸高陽人

王慕齋

熙字胥庭順天宛平人

青緗堂集

王西樵

士祿字子底山東新城人

炊聞集

王阮亭

士禎字貽上山東新城人

衍波詞

宋荔裳

琬字玉叔山東萊陽人

二鄉亭詞

宋轅文

徵輿字直方江南華亭人

海閩香詞

曹顧菴

爾堪字子固浙江嘉善人

南溪詞

唐濟武

夢賚山東淄川人

志壑堂詞

何省齋

采字第五江南桐城人

南礪詞

杜茶村

濬字子皇湖廣黃岡人

茶村集

宋牧仲

擘河南商丘人

楓香詞

吳留村

興祚字伯成遼東清河人

留村詞

余淡心

懷福建莆田人

研山詞

黃漢臣

家舒江南無錫人

微雲詞

秦留仙

松齡號對巖江南無錫人

漑堂詞

孫豹人

枝蔚陝西三原人

寒山詩餘

馮訥生

雲驤山西太原人

溪南詞

黃艾菴

永字雲生江南武進人

嚴顥亭

沆字子洽浙江餘杭人

錢飲光

澄之江南桐城人

陸密菴

求可字咸一江南山陽人

月湄詞

尤展成

侗一字悔菴江南長洲人

百末詞

吳園次

綺一字聽翁江南江都人

菘香詞

彭羨門

孫適字駿孫浙江海鹽人

延露詞

丁飛濤

澎一字葯園浙江錢塘人

扶荔詞

朱錫鬯

葵尊號竹垞浙江秀水人

江湖載酒集

陳其年

維崧江南宜興人

迦陵詞

成容若

德盛京長白人

飲水詞

顧梁汾

貞觀字華封江南無錫人

彈指詞

曹實菴

貞吉字升六山東安丘人

珂雪詞

毛鶴舫

際可字會侯浙江遂安人

浣雪詞

鄒訐上

祇謨號程村江南武進人

麗農詞

李舒章

雯江南華亭人

彷彿樓草

嚴蓀友

繩孫江南無錫人

秋水詞

華商原

長發江南無錫人

滄江詞

陸吳州

舜江南泰州人

孔東塘

尙任山東曲阜人

綽約詞

曹子清

寅奉天廣寧人

棟亭詞

高淡人

士奇浙江平湖人

蔬香詞

劉幼功

壯國江南潁州人

東臯詩餘

毛大可

奇齡浙江蕭山人

桂坡詞

毛遠公

季連浙江蕭山人

瓊枝詞

丁雁水

煒福建德化人

紫雲詞

張見陽

純脩順天大興人

語石軒詞

史雲臣

維圓江南宜興人

蝶菴詞

彭爰琴

桂江南溧陽人

初容詞

史遠公

鑑宗江南金壇人

肯堂詞

周雪客

在浚河南祥符人

梨莊詞

沈鳳子

爾燥浙江歸安人

月團詞

萬紅友

樹江南宜興人

香瞻詞

姜學在

實節山東萊陽人

曹南耕

亮武江南宜興人

南耕詞

沈融谷

皞日浙江平湖人

柘西精舍詞

朱近修

一是浙江嘉興人

梅里詞

許師六

承家江南江都人

查韜荒

容浙江海寧人

皮山夫

丹生浙江嘉善人

周東會

而衍江南金壇人

計子山

南陽江南華亭人

夏存古

完淳江南華亭人

田髯淵

茂遇江南華亭人

孔宏輿

毓埏山東曲阜人

蕉露詞

淥水詞

李武曾

良年浙江秀水人

秋錦山房詞

孫松坪

致彌字愷似江南嘉定人

梅洗詞

黃以永

鄭瑀遼東蓋平人

秋碧山房詞

毛穉黃

先舒浙江仁和人

鸞情集

曹桐暘

鑑平浙江嘉善人

李待菴

珍山東萊陽人

金箸集

高曼園

層雲字二鮑江南婁縣人

改蟲齋集

董蒼水

俞江南華亭人

玉鳧詞

龍二爲

光江南望江人

陸雲士

次雲浙江錢塘人

玉山詞

林武宣

子威江南華亭人

沈偶僧

雄江南吳江人

柳塘詞

計廉伯

善浙江嘉善人

吳詹所

充江南武進人

吳伯懋

棠植浙江山陰人

吹香詞

陳曾起

聶恒江南武進人

柳園詞

田九峯

舜年湖廣容美人

田氏一家言

李分虎

符浙江嘉善人

耒邊詞

黃奉倩

承聖江南太倉人

蘿窓詞

張山來

潮一字心齋江南歙縣人

花影詞

汪晉賢

森江南休寧人

月河詞

沈去矜

謙浙江仁和人

東江詞

丁素涵

濠浙江錢塘人

秉翟詞

佟梅岑

世南遼東廣寧人

東白詞

沈通聲

豐垣浙江錢塘人

蘭思詞

蔣京少

景祁江南宜興人

罨畫溪詞

吳秋潭

孟龍字伯御江南休寧人

原莊詞

方致仁

正瑞江南桐城人

原莊詞

潘夏珠

雲赤浙江錢塘人

桐魚詞

畢雨稼

大生江南華亭人

楊淇一

斐棗江南山陽人

大椿樓集

董舜民

元愷江南武進人

蒼梧詞

狄立人

億江南溧陽人

倚霞詞

王雲岡

時鴻江南華亭人

魯門集

羅志行

筮豫江南青陽人

魯門集

金介山

張浙江錢塘人

春暉詞

徐子凝

昌薇浙江錢塘人

春暉詞

吳子元

秉仁浙江山陰人

攝閑詞

張砥中

台柱浙江錢塘人

洗鉛詞

傅舞音

鏐浙江錢塘人

梅芬遠

慈江南長洲人

葑溪詞

袁其文

惇大湖廣公安人

詩餘掇零

唐馭九

肇江南泰州人

孔振路

傳鐸字彌民山東曲阜人

紅萼詞

孔西銘

傳鈇山東曲阜人

清濤詞

顧天石

彩一字湘槎江南無錫人

鶴邊詞

釋豁堂

正岳浙江靈隱僧

屏山詞

閨徐燦

字湘蘋海寧陳之遴夫人

拙政園詞

張繫

字采于長洲張天一妹

衡樓詞

王朗

金壇王彥泓女

葉小紈

字蕙綢吳江葉紹袁次女

草堂嗣響卷一 目錄

小令

梧桐影 二十字

南柯子 二十三字

碧窓夢 二十六字

花非花 二十六字

桂殿秋 二十七字

瀟湘神 二十七字

望江南 二十七字

漁歌子 二十七字

搗練子 二十七字

九張機 三十字

憶王孫 三十一字

如夢令 三十三字

甘草子 三十三字

歸自謠 三十四字

定西番 三十五字

相見懽 三十六字



長相思 三十六字
六首

憶秦娥別體 三十七字

醉太平 三十八字
三首

感恩多 三十九字

昭君怨 四十字
二首

太平時 四十字

生查子 四十字
三首

醉公子 四十字

點絳脣 四十一字
三首

絲雨隔 四十一字

西典樂 四十二字

浣溪沙 四十二字
八首

紗窻恨 四十二字

愁倚欄令 四十二字
二首

霜天曉角 四十三字
二首

菩薩蠻 四十四字
七首

卜筮子 四十四字
四首

減字木蘭花 四十四字
八首

采桑子 四十四字
十首

訴衷情 四十四字
二首

巫山一段雲 四十四字

漁父家風 四十五字

好事近 四十五字
六首

柳含烟 四十五字

謁金門 四十五字
二首

鬲溪梅令 四十六字

憶少年 四十六字
二首

洛陽春 四十六字
五首

荊州亭 四十六字

憶秦娥 四十六字
四首

清平樂 四十六字
六首

誤佳期 四十六字

玉連環 四十七字

阮郎歸 四十七字

三字令 四十八字

眼兒媚 四十八字
五首

桃源憶故人 四十八字

撼亭秋 四十八字

海棠春 四十八字

青衫濕 四十八字

山花子 四十八字
朝中措 四十八字

秋蘂香 四十八字
柳梢青 四十九字

太常引 四十九字
河瀆神 四十九字

偷聲木蘭花 五十字
惜分飛 五十字

滿宮花 五十字
少年遊 五十字

西江月 五十字
荷葉盃 五十字

留春令 五十字
憶漢月 五十字

思遠人 五十一字
望江東 五十一字

憶餘杭 五十二字
玉團兒 五十二字

探春令 五十二字
南歌子 五十二字

菊花新 五十二字
醉花陰 五十二字

怨王孫 五十三字
雨中花 五十三字

河傳第六體 五十三字
杏花天 五十四字

浪淘沙 五十四字
雙調望江南 五十四字

秋千索 五十四字
鷓鴣天 五十五字

南鄉子 五十六字
虞美人 五十六字

玉樓春 五十六字
鵲橋仙 五十六字

明月棹孤舟 五十六字
梅花引 五十七字

踏莎行 五十八字
臨江仙第一體 五十八字

臨江仙第二體 五十八字
小重山 五十八字

紅窻月 五十八字

東坡引 五十八字

錦堂春別體 五十九字

草堂嗣響卷一

孫聖俞印

清葉

錫山顧 彩天石編輯

鐸振路

闕里孔傳

全定

鋹西銘

小令

梧桐影

劉幼功

木葉凋。山谷靜。新月照桐人倚樓。教儂知是秋來影。

南柯子

毛季連

玉露溥秋草。金燈拂夜花。牆外早棲鴉。不知天上月。照誰家。

又雪

脉脉如花落。飄飄似絮飛。暗裏助梅肥。一宵山盡變。小
峨眉。

孔西銘

碧窓夢

丁雁水

蓮漏催蟾影。梨雲妬蠟明。銀箏低訴可憐情。不道翠幃
風細有人聽。

花非花

計子山

同心花。合歡樹。四更風。五更雨。畫眉山上鷓鴣啼。畫眉
山下郎君去。

桂殿秋

朱錫鬯

思往事。渡江干。青蛾低映越山看。共眠一舸聽秋雨。小
簾孤衾各自寒。

瀟湘神

毛大可

邛竹枝。生古祠。叢叢峭壁鷓鴣啼。朝雨過來還暮雨。不
知神女幾時歸。

望江南

孔西銘

愁來也。不忍下香堦。記得迷藏花徑裏。苔痕猶印縷金
鞋。曾此墮瑤釵。

又

愁來也。懶看合歡床。記得玉郎檀臂上。至今猶印口脂

香真個耐思量。

又 建業懷古

計廉伯

臺城柳。依舊鎖春風。馬去綠莎迷晉渡。燕來芳草沒吳宮。山寺夕陽紅。

漁歌子

吳詹所

千頃蒹葭一釣翁。家居南浦小橋東。桃花水。鯉魚風。短笛橫吹細雨中。

又

華商原

雨後山光滴畫船。梁溪水漲白魚鮮。携酒具。掛青錢。醉唱吳歌繫纜眠。

搗練子

孔振路

閉院落。小簾櫳。夜香燒罷月當空。玉人佇立搖環珮。聲在瑤臺第幾重。

九張機

孔西銘

九張機。家家織就綺羅衣。美人粧罷當春試。一般長短。一般寬窄。一樣小腰圍。

憶王孫

寒食

彭羨門

梨雲婀娜柳雲斜。閑倚高樓數暮鴉。惆悵王孫天一涯。不歸家。風雨年年妬落花。

又

吳園次

昨宵凍合水晶宮。鸚鵡嫌寒罵玉籠。鴛錦衾窩曉起慵。
小窻封。雪在山茶樹上紅。

又

孔振路

杏花樓外酒帘低。挾彈王孫驕馬嘶。日暮歸來醉似泥。
倒接籬。忘了東家錯問西。

如夢令 禽言

孫松坪

枝上啼鶯無數。又聽鷓鴣催雨。行不得哥哥。畢竟不如
歸去。怎處怎處。惱得畫眉無語。

又 金陵感舊

吳園次

楊柳白門春樹。燕子滿城風絮。看盡六朝花。又在畫樓

深處。烟雨烟雨。蕭瑟江關如許。

又

成容若

黃葉青苔歸路。麝粉衣香何處。消息竟沉沉。今夜相思
幾許。秋雨秋雨。一半因風吹去。

又

孔西銘

滿眼鶯簧蝶拍。爭教離人消得。要看別時踪。佯去踏青
南陌。悽惻悽惻。曾道一聲將息。

甘草子

吳伯懋

珠絡青驄美少年。紫陌上。墮珊鞭。十六吳姬學數錢。低
首笑嫣然。將進酒。未敢近郎前。

歸自謠 溪邊閒步

劉幼功

雲鬢。一片閒情塵俗外。孤村細酒隣人賣。清溪流
水。斜陽蓋。乘風邁。幾家漁網。紅頭曬。

定西番

孔西銘

簾外一枝紅綻。嬌又軟。正朦朧。雨聲中。淡紫深黃相
間。花濃春亦濃。最怕杏園墻角。五更風。

相見懽

顧天石

秋風吹到江村。正黃昏。寂寞梧桐夜雨。不開門。一葉
落。數聲角。斷羈魂。明日試看衣袂。有啼痕。

又

朝來壓損鴛衾。睡痕深。玉臂檀郎枕罷。尙沉沉。宜巧
笑。增窈窕。值千金。別有斷雲零雨。最關心。

又

孔振路

西風入夜偏涼。應清商。月淡簾疎。人靜。咽啼螿。思在
事。縈心緒。斷人腸。九十春光。憔悴。沈東陽。

又

成容若

微雲一抹遙峯。淡溶溶。恰與個人清曉。畫眉同。紅蠟
淚。青綾被。水沉濃。却向黃茆野店。聽西風。

又

丁飛濤

畫欄曾繫蘭橈。正春宵。公子朱門何處。菱荷橋。瑤瑟

斷銀燭冷。暗魂消。記得屏間紅袖。一相招。

長相思 柳

顧梁汾

風一絲。雨一絲。不繫行人只繫思。喚他楊柳枝。萍是伊。絮是伊。眼眼眉眉生別離。章臺無見期。

又

丁飛濤

郎採花。妾採花。郎指堦前姊妹花。道儂強似他。紅薇花。白薇花。一樹開來兩樣花。勸郎休似他。

又 風

孔振路

四更風。五更風。為妬花枝一夜紅。不離芳樹叢。睡鄉中。醉鄉中。聽足花鈴丁。又冬。醒來花半空。

又 出塞

成容若

山一程。水一程。身向榆關那畔行。夜深千帳燈。風一更。雪一更。聒碎鄉心夢不成。故園無此聲。

又

孔西銘

眼相看。意相憐。留則難留去又難。梨雲枕上寒。憶山前。恨水邊。欹枕身斜夢不圓。知他隔幾年。

又

紅一堆。白一堆。不管人愁只管開。祇愁風雨催。鶯又來。燕又來。鶯是梭穿燕剪裁。嫁春何用媒。

憶秦娥

另一體 採蓮

顧天石

去去。去入花深處。輕橈擺動紅衣亂折腰。美人競舉
纖纖手。玉臂如香藕。迴船笑指鴛鴦一對眠。

醉太平

黃以永

雲回雨停。花香酒清。小窻第一聞鶯。是永新唱聲。依
依草情。離離柳情。堦前幾片殘英。送東風一程。

又

孔振路

冰山碧湖。寒林白鳥。瓊臺玉宇模糊。憶江天釣徒。窻
楞月踈。簾旌絮鋪。梅花紙帳非孤。有紅兒醉扶。

又

京口

陳其年

鍾山後湖。長干夜烏。齊臺梁苑模糊。剩連天綠蕪。估

船運租。江樓醉呼。西風流落丹徒。想劉家寄奴。

感恩多

陳曾起

背燈閒枕手。心事如無有。小窻纔月明。竹梢橫。夢也
天然不穩。一聲聲。一聲聲。落葉空堦。有時孤鶴行。

昭君怨

元宵感事

吳園次

記得去年時節。爛醉紅燈白雪。今日又離家。見梅花。
無限西州舊事。獨剩江山如是。老却眼中人。柰何春。

又

顧天石

立盡長橋日暮。橋下行人何處。歸路入荒烟。水連天。
天水相連一片。望也望伊不見。歸去掩紗窻。夢成雙。

太平時

有箇黃鶯傍柳枝。盡情啼。啼得春光漸欲歸。日平西。不管閨人長歎息。無氣力。再來花下立多時。爲花癡。

孔振路

生查子

孫豹人

月下小窻西。燈燼三更後。幸是不成眠。惡夢尋常有。本愛柳爲腰。莫使蓬如首。憔悴鏡中人。值得相思否。

又

孔振路

春天不是天。都把愁來做。坐起摠無聊。惱亂春心緒。除却看花遊。只待尋眠去。採取綠窻人。繡到停針處。

又

孔西銘

懶教掃落花。總是無人到。記得印鞋踪。又長新青草。困殺晝眠人。枝上空啼鳥。愁寂不曾歡。眼看青春老。

醉公子

孔西銘

不見檀郎至。只得和衣睡。夜半始歸來。三分應是醉。錯認碧窻紗。却問是誰家。滿有相憐意。佯嗔不睬他。

點絳脣

宿臨洛驛

陳其年

晴髻離離。太行山勢如蜩蚪。稗花盈畝。一寸霜皮厚。趙魏燕韓。歷歷堪回首。悲風吼。臨洛驛口。黃葉中原走。

又

陳曾起

老去詞人。可憐猶有悲秋意。鬢絲憔悴。揀向花前醉。

肯便忘年。携手論心事。闌干倚。斜陽如水。一片芙蓉淚。

又

釋子 豁堂

來往烟波。此生自號西湖長。輕風小槳。盪出蘆花港。

得意高歌。夜靜聲偏朗。無人賞。自家拍掌。唱得千山響。

絲雨隔

孔西銘

十二紅樓想像中。金屈戌。玉玲瓏。有人倚。旖旎。怨東風。

自從疊起霓裳舞。何曾譜。舊時眉嫵。絲雨隔。恨無窮。

西興樂

李武曾

小桃遮渡柳侵洲。朝來無限春愁。橫竹吹殘。江邊畫樓。

溝水東西亂流。錦帆收。倚欄人在。酒帘青處。目送扁

舟。

浣溪沙

夏存古

柳色深深聽曉鶯。玉闌愁倚夢分明。閒花顫落小釵橫。

蝴蝶前生原夜合。楊花身後作浮萍。東風薄倖誤多

情。

又

成容若

誰道漂零不可憐。舊遊時節好花天。斷腸人去自今年。

一片暈紅纔着雨。幾絲柔綠又和烟。倩魂銷盡夕陽

前。

又

身向雲山那畔行。北風吹斷馬嘶聲。深秋遠塞若爲情。
一抹晚烟荒戍壘。半竿斜日舊關城。古今幽恨幾時平。

又

十八年來墮世間。吹花嚼蕊弄冰絃。多情情寄阿誰邊。
紫玉釵斜燈影背。紅綿粉冷枕函偏。相看好處却無言。

又

欲寄愁心朔雁邊。西風濁酒慘離筵。黃花時節碧雲天。
古戍烽烟迷斥堠。夕陽村落解鞍韉。不知征戰幾人

還。

又紅橋

王阮亭

北郭清溪一帶流。紅橋風物眼中收。綠楊城郭是揚州。
西望雷塘何處是。香魂零落使人愁。澹烟芳草舊迷樓。

又山塘送春

孫松坪

曲曲朱欄映綠楊。搖搖畫舫近山塘。干人何事斷人腸。
柳絮風尖鶯歎息。芹芽泥暖燕商量。爲他憔悴爲他忙。

又

閨秀徐祭

金斗香生繞畫簾。細風時拂兩眉尖。繡床針線幾曾添。
數點落花紅寂寂。滿堤芳草綠纖纖。不須春病也慙
懨。

紗窓恨

田髯淵

笛聲陣陣因風送。老天涯。一聲入破偏淒切。落梅花。
鷗盤處。千山黑雪。馬嘶外。萬里黃沙。笑春宵歸夢。好還
家。

愁倚欄令

孔西銘

層樓外。是青山。莫憑欄。望見行人從此去。不曾還。時
候柳絲花繁。都付與愁間。夢間。待得愁消和夢醒。又春

殘。

又

顧天石

長亭下。淚痕新。酒行頻。樹爲別離愁也老。况行人。行
人獨去傷神。秋草外。夢見無因。幾隻暮鴉零亂叫。不堪
聞。

霜天曉角

曹秋岳

亭陰弄碧。懶把金樽側。莫怪淚痕常滿。與東風舊相識。
芳信連歲隔。玉簫吹不得。最是淹淹心性。比垂楊更
無力。

又

彭爰琴

城鐘戍鼓。此際邊霜苦。側聽寒鷄叫徹。無人蹴。自起舞。
星河猶照戶。關山天未曙。不覺茫茫交集。心事滿。淚
如雨。

菩薩蠻

塞上秋望

馮訥生

龍沙落日山銜水。登臺悵望寒雲裏。獵騎返城西。秋風
大將旗。飛蓬迷鳥路。白雁哀鳴去。絕塞易黃昏。孤城
早閉門。

又

弔廢宮

槎枒雨過危檣倒。當年曾記朱樓好。鳥雀逐秋來。可憐
歌舞臺。紅顏黃土化。玉椀埋寒夜。老木嘯天風。荒涼

似夢中。

又

江華署中

張見陽

山深不爲西風冷。雲留雨過瀟湘景。密竹下斜陽。蕭蕭
粉蘚香。濕階苔蘚厚。鶴立如人瘦。舞近石欄杆。相依
耐歲寒。

又

陸密菴

鸚哥啄碎花鬚落。曉風低弄鞦韆索。剛上一重樓。青山
已送愁。幾番寒食雨。柳絮漫天舞。春夢晚歸家。小池
聞暮蛙。

又

孔西銘

草堂詩歸 卷一
凭闌沒個人堪語。蕭蕭落葉黃如許。莫更惹閒愁。怕他
來不休。問愁何處賣。賣去愁仍在。烟雨隔窓紗。夢中
還是他。

又 宿藥河

成容若

玉繩斜轉疑清曉。淒淒月白漁陽道。星影漾寒沙。微茫
織浪花。金笳鳴故壘。喚起人難睡。無數紫鴛鴦。共嫌
今夜涼。

又

黃以永

秋風欲動銀瓶冷。綠窓一點紅燈影。深夜夢難成。時聞
長歎聲。小姑年正少。背地將人笑。莫漫笑人癡。他年

輪着伊。

卜筮子

孔振路

烟雨做黃昏。漸覺高樓遠。極望紅窓一點燈。不見珠簾
捲。猶自未曾眠。嫋嫋聞歌管。歌罷微微有歎聲。却被
風吹斷。

又 宮人斜

缺月挂頽垣。涼露沾衰草。千古宮人未了魂。化作單棲
鳥。夜半想歸來。環珮餘音裊。人道愁無地可埋。此地
埋多少。

又 湯陰岳侯祠

黃艾菴

身在尚無家。身死家何地。縱使遊魂遍九州。未必湯陰
住。有恨化爲虹。無淚飛成雨。若變啼鵲何處歸。趙氏
孤兒處。

又

尤展成

整日數歸期。數了回頭數。不信朝朝暮暮思。曆本看掀
破。特地倚門粧。依舊空床臥。多分宵來夢不成。今夜
重新做。

減字木蘭花

秋雨過紅板橋

陳其年

當年此地。消魂人記。消魂事。妙舞清飮。不是柔奴定態
奴。西風古道。二十年來人跡少。漠漠迢迢。秋雨重經

紅板橋。

又 咏蜂衙

孔宏輿

土門圭竇。盡向花間開戶牖。列隊分曹。衙鼓無聲早散
朝。採香歸去。獻納君王依鷺序。寇至須防。更怕天寒
割蜜房。

又 雜憶

曹寶菴

戊申六月。萬里驚心鰲背折。一夜罡風。何限才人瓦礫
中。神仙詭異。露滿金莖曾乞未。傲骨峻嶒。化作中林
鬼火青。

又

偶然遊戲。人道東方真玩世。君曰非狂。歷落嶽崎也未妨。當年花底。斗酒雙柑吾共爾。黃葉東村。車過難爲腹痛人。

又

史雲臣

寄愁天上。碧落青霄平似掌。石破多時。散作春簷夜雨絲。埋憂地下。移却南山成曠野。根蔓牽縈。又逐郊原春草生。

又柳絮

孔振路

春光老矣。亂滾平蕪飄不起。也習人衫。也逐飛花入畫檐。好風休送。留與梨雲同一夢。飄泊迷離。未卜何年

返故枝。

又荷珠

顧天石

一泓滴露。萬緒藕絲穿不住。搖漾無端。只在紅裙看處圓。夜涼習習。底事鮫人偏善泣。翠蓋欹風。顆顆傾歸合浦中。

又桐淚

嶧陽山下。慣被秋風秋雨打。只爲心孤。百尺無枝泣向隅。灑來點點。欲向湘篁痕上染。幽怨先傳。他日爲琴不用絃。

采桑子

龔芝麓

櫻桃風熟青梅老。雨打蘋香。春去橫塘。不憶當年也斷腸。六朝環珮芳烟歇。瘦了鴛鴦。人代淒涼。紅粉英雄哭一場。

又

吳園次

西風不管梧桐葉。亂落秋光。跌碎斜陽。猶剩紗窓一半黃。新寒陡入羅衣薄。睡盡殘缸。消却餘香。昨夜南來雁帶霜。

又

成容若

誰翻樂府淒涼曲。風也瀟瀟。雨也瀟瀟。瘦盡燈花又一宵。不知何處縈懷抱。醒也無聊。醉也無聊。夢也何曾

到謝橋。

又

桃花羞作無情死。感激東風。吹落嬌紅。飛入閒窓伴懊儂。誰憐辛苦東陽瘦。也爲春慵。不及芙蓉。一片幽香冷處濃。

又 送春

孔西銘

笑來九十春光內。幾日晴天。風雨連綿。愁殺清明百五前。甫能過了清明候。柳要成綿。荷要如錢。難道留春住半年。

又

恨君不似東流水。日也長流。夜也長流。日夜流來不斷頭。恨君却似東流水。來也難留。去也難留。來去全然不自由。

又 山中聽禽

田九峯

春來衆鳥偏饒舌。布穀提壺。自把名呼。格磔鈎輶是鷓鴣。都來只解催風雨。叫得泥塗。杖策難扶。杜宇枝頭月也無。

又 揚州弔古

顧天石

分明禪智橋邊寺。大好平田。麥浪連天。留與東風葬少年。南柯太守今何在。蟻垤如錢。蔓草如烟。真幻榮華

盡可憐。

又 憶都門舊遊

放懷燕市當年事。效柳耆卿。唱雨淋鈴。道是江南第一聲。琉璃河畔人歸後。月黑燈青。塞雁悲鳴。有酒還同若個傾。

又 蝸篆

古文屋漏兼釵脚。東抹西塗。屈曲模糊。雨後看來半有無。無端寫盡心中事。殼裂涎枯。苔皺泥酥。畱取旗亭壁上圖。

訴衷情

孔西銘

好花只愛半開枝。月愛未圓時。花開月當圓夜。行樂已
嫌遲。年少日。美風姿。莫相離。休教老大。減盡風情。只
剩相思。

又 村居

華商原

緯蕭作戶。荻編墻。門對水風涼。漁船有時爭泊。晒網在
垂楊。櫻拂子。竹匡床。話耕桑。兀然却似。太古遺民。說
甚羲皇。

巫山一段雲

西湖感舊

李分虎

廢苑蒼苔裏。殘山白骨邊。舊遊如夢總凄然。况是晚秋
天。爐散紅腰女。囊空赤側錢。葑灣細火自年年。只有

捕魚船。

漁父家風

孔西銘

水雲輕剪秀芙蓉。酒滿碧荷筒。棹歌雙槳衝烟去。家在
大江東。也宜雨。也宜風。兩相逢。今宵得醉。明宵得醉。
總任天公。

好事近

宿秦餘絕頂

黃奉倩

携手入層雲。半偈留題蒼壁。拄杖下臨無地。有寒巖雪
積。山僧絕粒一團瓢。倦羽暫休息。夜半東山豁處。見
滄波煮日。

又 巡海至飛雲渡

陸吳洲

橫海下戈船。信宿珠厓消息。試向玉環山外。探一絲風色。桃花春漲海門寒。寂寞老龍國。閒倚射潮犀弩。聽
柁樓吹笛。

又

成容若

馬首望青山。零落繁華如此。再向斷烟衰草。覓蘼碑題字。休尋折戟話當年。只灑悲秋淚。斜日十三陵下。過
新豐獵騎。

又野燒

張山來

螢火一星星。變出阿房烈焰。燒盡平蕪荒蔓。又連延遠去。休言樹杪鵲驚飛。虎豹也疑懼。明日陰崖風過。有

劫灰團聚。

又漁父

朱錫鬯

新月下瓜洲。重露漸成涓滴。船尾漁燈紅逗。映蕭蕭蘆荻。偶然鼓柁渡金山。夜久梵鐘寂。一縷潮痕催送。報
隔江風笛。

又

汪晉賢

淺水漾魚鱗。春到小橋疎竹。谿上一堤芳草。被東風吹綠。花邊隨處颺青旗。倚棹買醽醁。最好荻芽新長。有
沙鷗雙宿。

柳含烟

彭爰琴

章臺巷。永豐坊。一夜如顰欲語。東風着力不須央。自然長。搓得鵝黃成鴨綠。遮斷闌干千曲。乍含烟雨做黃昏。便銷魂。

謁金門 紅葉

李舒章

青楓浦。染出空江天暮。隔岸胭脂新雨渡。小樓腸斷處。疊疊亂紅堆路。又被西風吹去。翠袖拾來看幾度。欲題無一語。

又

尤展成

奈何許。欲說近來愁緒。愁到依然無一語。羅衫幾點雨。舊事子規催去。新恨鷓鴣留住。夢逐東風無歇處。漂

零隨柳絮。

鬲溪梅令 方竹杖

孔振路

山人扶老要篔簹。愛他方。有天然稜角傲風霜。晚來金色黃。想曾搵月傍疎窻。影堅剛。付與纖纖手。却相妨。削圓笑一場。

憶少年

朱錫鬯

飛花時節。垂楊巷陌。東風庭院。重簾尙如昔。但窺簾人遠。葉底歌鶯梁上燕。一聲聲伴人幽怨。相思了無益。悔當初相見。

又 卽席聽歌

孔振路

漁陽三弄。渭城三奏。梅花三疊。都將別離恨。做繁絃促節。因甚移宮頻換羽。不分明又還重說。搥鞭背花去。怕青衫偷濕。

洛陽春

成容若

過盡遙山如畫。短衣匹馬。蕭蕭木落不勝秋。莫迴首斜陽下。別是柔腸縈挂。待歸纔罷。却愁擁髻向燈前。說不盡離人話。

又塞上

野火拂雲微綠。西風夜哭。蒼茫雁翅列秋空。憶寫向屏山曲。山海幾經翻覆。女墻斜矗。看來費盡祖龍心。畢

竟爲誰家築。

又歎柳

孔振路

甫見鶯梭織就。鵝黃似酒。東風吹放最長條。亂拂行人馬首。到得鳴蜩時候。喚他衰柳。折來不勾送行人。還解繫離情否。

又

顧天石

門外亂山多處。也多愁緒。此中日日送行人。再不見留人住。春暮又看秋暮。一年虛度。天生楊柳是何人。強喚作別離樹。

又次韻重陽後雨

史雲臣

日晚津亭鳴鼓。雁驚南浦。霜螯在手酒盈樽。休更問沙場苦。青史幾番今古。繪成愁譜。兩條樺燭四條絃。怎消得廉纖雨。

荊州亭

孔振路

翠濕紅昏。亭院。鐵馬丁冬。簷畔。做盡晚寒輕。風裏絲絲不亂。最是撩人腸斷。點滴空堦夜半。牽惹別離情。人在黃河那岸。

憶秦娥

冬日感懷

曹顧菴

殘霞沒。淪麋凍黑西風突。西風突。怪鴟悲嘯。一天霜月。銜盃慷慨衝冠髮。古今人物都消歇。都消歇。陰房鬼

火。戰場枯骨。

又楊花

宋轅文

黃金陌。茫茫十里春雲白。春雲白。迷離滿眼。江南江北。來時無奈珠簾隔。去時着盡東風力。東風力。留他如夢。送他如客。

又

孔振路

青衫濕。愁人又向愁邊立。愁邊立。畫欄春雨。玉階秋月。有人虛度佳時節。無人不怨經年別。經年別。梨花無夢。杜鵑無血。

又

孔西銘

雲鬟掠。梅粧雅淡真難學。真難學。玉釵微顫。瘦腰如削。
愛他不認些兒錯。諒他不負些兒約。些兒約。海棠開
後。至今擔閣。

清平樂

陸密菴

西風嫋嫋。吹老宮前草。一幅鮫綃都濕了。清淚不知多
少。夜深月暗燈昏。庭槐亂葉紛紛。莫道君王難見。有
人朝夕承恩。

又集澹心秋雪齋聽雨

陳其年

關山如許。不醉卿何苦。酒潑鵝黃嬌似乳。領受高齋夜
雨。莫愁濕透芒鞋。道傍醉倒須埋。不見長洲苑裏。年

年落盡宮槐。

又咏帶

沈去矜

香羅曾寄。小鳳盤雲膩。要識春來腰更細。剩得許多垂
地。玉鈎移孔難尋。有時撚着沉吟。踪跡可知無定。兩
頭都結同心。

又重九

成容若

將愁不去。秋色行難駐。六曲屏山深院宇。日日風風雨
雨。雨晴籬菊初香。人言此日重陽。回首涼雲暮葉。黃
昏無限思量。

又

曹顧菴

眉痕顰縐。不似東風舊。欺負孤眠寒意透。生得腰肢兀瘦。梨花靜掩長門。尋常幾度黃昏。魂向當初消盡。如何又說消魂。

又

閨秀張采于

重門深處。聽盡黃梅雨。千徧懷人慵不語。魂斷臨岐別路。一天離恨分開。同携一半歸來。日暮孤舟江上。夜深燈火樓臺。

誤佳期

孔西銘

每到漏殘人靜。小立風前不定。竹爐茶沸幾回乾。不見些兒影。可惜翠衾溫。翻做孤眠冷。瀟瀟細雨一燈兒。

酒也因他醒。

玉連環 水仙

曹實菴

盈盈似隔紅塵路。陳王休賦。黃昏不是乍聞香。月底更無尋處。靜掩繡簾朱戶。更聽微雨。青溪溪畔女郎祠。彷彿見魂來去。

阮郎歸

彭爰琴

許多時節不曾愁。無端去倚樓。見他梧葉落新秋。記來心坎頭。荷葉渚。蓼花洲。西風惱石尤。悔教容易覓封侯。臨行未一留。

又 湖上用秦少游韻

孔振路

蓼花菱葉滿寒湖。秋山點點孤。畫船蘭槳去踟躕。欲遊
天一隅。月似練。露如珠。鄂衾醒夢餘。湘靈光景似當
初。瑟聲猶在無。

三字令

李坦園

愁倚戶。夕陽斜。憶天涯。春去也。在誰家。燕營巢。蜂釀蜜。
總堪嗟。人不到。見歸鴉。掩窻紗。開復落。刺梅花。酒漂
零。香冷淡。負年華。

眼兒媚

毛鶴舫

蛾眉誰不鬪嬋娟。若個似卿妍。粧成自許。除非鏡裏。或
是池邊。無端忽作經年別。腸斷寄來箋。愁心訴與。霜

天寒菊。雨夜啼鵲。

又 春山

孔振路

纖纖長是捲簾看。浮黛做輕寒。濃描一筆。淡描一筆。烟
雨纔乾。合離却似羅浮樣。絕不露峯巒。有時舒翠。有
時蹙翠。無限悲歡。

又

連朝鵲噪碧梧枝。恰值信來時。開緘惟見。數枚紅豆。一
縷青絲。絲曾枕畔聞香氣。豆記譜歌詞。分明說道。莫
忘心約。莫要相思。

又 咏梅

成容若

莫把瓊花比澹粧。誰似白霓裳。別樣清幽。自然標格。莫
近東牆。冰肌玉骨天分付。兼付與淒涼。可憐遙夜。冷
烟和月。疎影橫窓。

又賣花

孔西銘

賣花門巷一聲聲。只做不曾聽。折來花朵。將春賣去。忒
煞無情。自從薄倖青門別。屈指幾多程。花朝過了。明
朝春社。後日清明。

桃源憶故人

祁縣登樓作

朱錫鬯

高樓百尺誰家院。靜鎖葳蕤。春晚可惜蝦鬚。簾捲只是
無人盼。登樓搔首斜陽滿。風起落花如霰。可惜鵝兒

酒暖。只是無人勸。

撼亭秋

顧天石

堅冰暫解。日黯黯。彤雲如蓋。朔風漸緊。捲將殘葉。送來
簾外。雖然未見。六花如手。釀些寒在。怕明朝此際。青
帘有酒。價高難賣。

海棠春

賦得牧人驅犢返

孔宏輿

夕陽古道行人悄。牛背上笛聲飄渺。明月照空林。野火
生荒草。歸來却聽兒童報。道近日盈街餓苧。人也食
難謀。那得儂牛飽。

青衫濕

孔西銘

牽衣正訴心間事。何苦去匆匆。忍教禁受。紅愁綠慘。細雨斜風。伯勞回首。忍看飛燕。各自西東。不曾帶去。羅襟淚點。少片殘紅。

山花子

吳梅村

阿母頻催上玉鈎。侍兒先起護香篝。曉氣撲簾花尙睡。怯梳頭。靨暈有情眉岫遠。額黃無盡眼波流。細骨輕軀春一把。許多愁。

又 賦南唐事和李後主韻

丁素涵

草綠江南蝶粉殘。玉簫聲斷彩雲閒。寂寞梨花金殿鎖。共誰看。故國啼鶯催夢醒。他鄉乳燕說春寒。惟有汴

河橋下水。到長干。

又

王阮亭

斗帳初垂懶卸頭。任他紫綫覆秦籌。簾外銀河天似水。數更籌。梧葉催蛩涼到枕。花枝和月午當樓。還與殘春寒食夜。一般愁。

又

成容若

林下荒苔道蘊家。生憐玉骨委泥沙。愁向風前無處說。數歸鴉。半世浮萍隨逝水。一宵冷雨葬名花。魂似柳綿吹欲碎。繞天涯。

又

佟梅岑

芳信無由覓彩鸞。人間天上見應難。瑤瑟暗縈珠淚雨。
不堪彈。枕上斷雲巫岫隔。樓頭微雨杏花寒。誰在暮
烟殘照裏。倚闌干。

朝中措

除夕

孔宏輿

萬家烟火徹高空。新舊五更中。此際猶然殘臘。霎時換
了東風。圍爐聚首。椒盤擎出。滿勸金鍾。最歎少年儔
侶。催成一半衰翁。

秋蕊香

白秋海棠

彭爰琴

玉砌銀墻院宇。恰稱縞衣樊素。鉛華洗淨非秋雨。自小
冰肌如許。凭欄只共嫦娥語。堪憐取。蛾眉淡掃朝天

去。不怕五更風露。

柳梢青

黃以朮

綠遍春江。青迷官道。斜覆宮牆。小雨霏霏。輕烟漠漠。軟
盡韶光。柔絲折後偏長。結不住離人故鄉。莫倚欄干。
一天飛絮。滿地斜陽。

又

彭羨門

何事沉吟。小窻斜日。立徧春陰。翠袖天寒。青衫人老。一
樣傷心。十年舊事重尋。回首處山高水深。兩點眉峯。
半分腰帶。憔悴而今。

又

朱錫鬯

金鳳城邊沙攢細草。柳繫晴綿。九十春來。連宵雁底。幾
日花前。禁他塞北風烟。虛想像南湖扣舷。夢裏頻歸。
愁邊易醉。不似當年。

又登牛山

孔振路

升最高巔。齊州在望。九點疎烟。藹藹濛濛。雲生樹杪。雁
落沙邊。景公揮淚何年。千古恨牛羊墓田。身世茫茫。
百端交集。我亦潸然。

又新秋池上

孔西銘

隔斷清溪。殘霞一抹。落日平西。習習生涼。悠悠忘暑。滿
耳蟬嘶。綠荷漸覺離披。猶自舞殘紅舊衣。古道斜陽。

美人家在疎柳長堤。

太常引

成容若

西風乍起峭寒生。驚雁避移營。千里暮雲平。休回首長
亭短亭。無窮山色。無邊往事。一例冷清清。試倩玉簫
聲。喚千古英雄夢醒。

又

晚來風起撼花鈴。人在碧山亭。愁裏不堪聽。那更雜風
聲雨聲。無憑踪跡。無聊心緒。誰說與多情。夢也不分
明。又何必催教夢醒。

又

孔振路

落花狼籍酒樽空。人去畫樓中。惆悵問殘紅。今日是東風北風。倘然風便。彈將別淚。賤寄與天公。春去任匆匆。只願與情人再逢。

又

梅芬遠

海天七日放春回。萸葉遞將開。耳畔曉相猜。是落雁聲中雨來。厨娘傳菜。店師煎餅。一例冷情懷。已誤踏青鞋。懶更望樓頭燕釵。

又乞巧

孔西銘

縑雲緝雨織成羅。工費七襄多。佇立向仙娥。問巧拙天淵奈何。年年乞巧。天孫忙甚。曾送巧來麼。巧在錦機

梭。忘記了携將渡河。

河瀆神 高郵露筋祠

陳其年

湖上水連天。湖光捲盡寒烟。玉娥一去幾千年。盡日凝粧儼然。漠漠雨絲飄碧瓦。人在女郎祠下。一樹紅梨開謝。明朝又是春社。

偷聲木蘭花 蒲劍

孔宏輿

豐城蕭索龍光滅。變作池塘蒲葦葉。獵獵迎風百鍊青。萍滓水中。蒨緜配此方爲善。昔日馮驩應未見。數點流螢。葉上攢來類七星。

又桐淚

亭亭孤幹依金井。每伴銀床。推月影。不耐秋涼。纔見春歸意已傷。臨風多少無聲淚。沾向美人身上膩。因甚傷心。只恐將來斷作琴。

又 松針

龍虬錯落盤根節。秀葉堅同。良冶鐵。穉子溪頭。盡日敲來不似鈎。聯成翠幄能無縫。怪底鉛松同作貢。易損鋒鋌。不上佳人刺繡床。

又

唐馭九

酒闌歌罷當年事。細雨瀟瀟。燈下寺。忽憶前期。跋屐披衣往就之。紅樓一樣珠簾隔。第五窓中燈未熄。此恨

繇繇。直到而今信杳然。

惜分飛

顧梁汾

消得幾行清淚雨。一片冷雲飛去。且共離魂語。留他伴過沉烟縷。倚徧迴廊都不是。不是夢兒行處。畢竟春難駐。斷腸花落相思樹。

又 螢燈

孔西銘

閃爍徐行時隱現。愛傍葦叢荻岸。掠過平波面。陰天雨夜星零亂。點點無心來撲扇。墜入晚涼亭院。細草爲針線。年年照夜珠盈串。

又 蛸笛

淺土黃泉長果腹。與世都無榮辱。曾具何眉目。悠然發
韻如絲竹。野調村腔頻斷續。難奏玉樓金屋。農叟聽
偏熟。分明報道甘霖足。

又為陳林士悼亡

彭爰琴

記得床頭蒙被候。不肯回眸再就。玉骨都消瘦。一枝瓊
樹看如舊。紺袂紅衫休摺皺。忍把苔紋蝕繡。明月斜
陽後。碧桃花下歸來否。

又哀紫陵

冰雪清芬幽悄悄。瞥引三生一笑。底事傷情抱。不曾憐
惜偏曾惱。縱是嗔他嗔不了。誰料鶯鴂燕天。埋沒青

春早。斜陽殘月眠芳草。

又書燈

顧天石

竒字芸編宜夜讀。謾說藜然天祿。鑿隙偷隣屋。如今寒
士貧無燭。戶外琮琤風動竹。好護小齋簾幕。腐草囊
螢綠。年年書鬼秋墳哭。

滿宮花 館娃宮故址

彭爰琴

屨廊空。香徑廢。清磬一聲雲際。千年脂粉剩鉛華。費盡
松風淘洗。山河恨。滄桑事。不獨東吳西子。夫差勾踐
舊樓臺。都有鷓鴣飛起。

少年遊 清明

宋牧仲

禁烟時節好花開。客思暗中催。幾樹垂楊。一庭芳草。乳燕掠花回。春光記得江南好。林際倒深盃。杏子衫輕。藕絲裙軟。遊女踏青來。

又 秋望

馮訥生

荒墩落落接河橋。老樹認前朝。金鳧埋月。石麟眠草。殘碣枕山腰。黃雲塞上悲風急。沙草沒平臯。中夜聞鷄。短衣射虎。看劔冷蕭蕭。

又 清明

梁蒼巖

啼鶯恰恰到窻紗。幾縷曉烟斜。此日春城。漢宮傳蠟。散入五侯家。三分春色愁中度。一半在梨花。腸斷黃昏。

酒醒殘月。門外卽天涯。

又 感舊和柳屯田

陳其年

奉誠園內小斜橋。曾記近花朝。簌錢庭院。築毬天氣。春草綠裙腰。如今不道心情換。飄泊墮江臯。眼底人疎。心頭事滿。斜凭木蘭橈。

又

孔振路

何人錯憶少年遊。驄馬紫貂裘。揮犀痛飲。嬌歌倚玉。日日殢青樓。千金散盡高臺廢。人也不風流。仔細思量。不如農圃。淳朴本無愁。

又

史遠公

玉驄金勒紫絲鞭。踏碎落花天。大道高樓。畫橋深巷。多
少買春錢。香車經過朱門處。擲果有人憐。二十年來。
京華如夢。白髮已三千。

西江月

錢塘門外作

宋荔裳

白馬千群浪湧。銀山萬疊天高。錢塘潮似廣陵潮。近日
潮聲草草。往昔綠陰黃鳥。於今野水紅橋。西陵松柏
久蕭條。何處孤墳蘇小。

又

久客得歸兒輩競索衣帛感賦

老去霜顛種種。歸來繡襪重重。辛盤銀燭畫堂中。第一
平生好夢。爭學傅柑索棗。挽鬚交問衰翁。空囊更比

少陵窮。那有天吳紫鳳。

又

平山懷阮亭

孔東塘

幾度平山高會。詞成人去堂空。風流司李管春風。又覺
揚州一夢。楊柳千株剩綠。芙蓉十里殘紅。重來誰識
舊詩翁。只有江山迎送。

又

曹顧菴

白日難教東下。清淮肯使西流。春風吹罷又驚秋。早歎
朱顏非舊。烏巷家家王謝。黃初字字曹劉。荒榛鬼火
北邙頭。誰是諸公之後。

又

夜宿何邕南齋中

陳其年

一榻奇書繚繞。三間老屋欹斜。天寒沽酒撥琵琶。消盡
丹徒月夜。南浦零簫刺管。西風社鼓神鴉。他年夢亦
到君家。家在寄奴山下。

又

計子山

桂子香殘綠鬢。茱萸露冷紅綃。碧紗彈破雨瀟瀟。烏鵲
亂啼清曉。驚起五更幽夢。送他幾點紅潮。相思吹散
廣陵橋。一夜西風古道。

又

平山堂懷古

顧天石

山隱重重遠樹。堂開面面斜陽。吳公坡遶蜀岡長。幾寺
疎鐘遞響。歷數山光禪智。墓田衰草淒涼。風流太守

種垂楊。閱盡今來古往。

又

鄴城懷古

銅雀巍然天倚。漳河斜抱城隅。當年創霸幾雄圖。今日
一坏遺土。匹馬霜晨來往。妓樓酒冷燈孤。戰場殘月
夜啼烏。此景平分今古。

荷葉杯

成容若

簾捲落花如雪。烟月誰在小紅亭。玉釵敲竹乍聞聲。風
影畧分明。化作綵雲飛去。何處不隔枕函邊。一聲將
息曉寒天。腸斷又今年。

留春令

曹實菴

簌錢堂上。避人羞傍。櫻桃花樹。半篙春水。送蒲帆。便沒
個相逢處。今古傷心常如許。紫玉成烟苦。不是垂楊
慣飛綿。被幾陣東風誤。

又

陳其年

燈前喝雉。樓頭繫馬。山腰射虎。曾放顛狂百千場。要數
遍何從數。一霎渾河風葉舞。舊遊何處去。滴碎他鄉
萬般心。是隔個窻兒雨。

憶漢月

聽鶯

孔西銘

現曉數聲簾外。似訴離愁難賣。有時溜上柳枝梢。極望
春無邊界。帶啼過別樹。渾不管烟雲妨碍。爲伊觸動

苦相思。碎碎零零一派。

思遠人

孔振路

苦憶花間臨別語。無計可拋擲。素書不寄。紅巾有淚。還
是去年拭。思量獨往尋踪跡。尋着知何益。但歸到窻
前。吮毫寫怨。伸紙又忘墨。

望江東

反乞巧

顧天石

乞巧如何巧能得。總乞得應無益。自從開闢到今日。問
織就幾千匹。銀河只恁盈盈隔。便沒計傳消息。笑來
人世巧無敵。只有天孫拙。

燕歸梁

孔西銘

十里芙蓉曉露香。也耐盡淒涼。風牽蝶影上迴廊。剪難斷。是離腸。蟬聲似訴心間事。愁無夢。到君傍。數完七十二鴛鴦。還有甚。費思量。

憶餘杭

庚申春日紀事

周雪客

刮盡榆皮無可食。雀鼠都完人菜色。賣兒能得幾文錢。賣女更堪憐。出門盡日風沙惡。柳葉纔青春便落。野田惟剩火燐燐。鬼語夜相聞。

玉團兒

陳其年

西風吹老清秋節。迸寒空蕭蕭老鐵。幾片疎砧。數行落雁。一城楓葉。斜陽雨後明還滅。映千年斷碑殘碣。太

思何爲。有杯休放。逢花須折。

探春令

咏故宅杏花

陳其年

崇仁宅靠善和坊。舊雕闌都壞。問玉樓人醉今何處。只一樹花還在。紅香籠帽歸鞭快。更何人能戴。到如今和了滿城風雨。頻上街頭賣。

南歌子

方鵬餘

衰草粘天際。寒蛩警枕頭。老夫偏會種離愁。教把宜春揭去換宜秋。書斷雲中雁。情孤水上鷗。又誰臨月引筇篻。剛唱思君不見下渝州。

又

蓬鬢驚堆雪。衰容艷拒霜。莫持瓊管弄清商。吹得萬千
林葉一時黃。誰道春如剪。裁成百樣芳。那知秋色似
干將。天外羣峯處處割愁腸。

又

朱錫鬯

秋雨疎偏響。秋蟲夜併啼。空床取次薄衾携。未到酒醒
時候已淒淒。夢斷連江遠。書傳去雁遲。一行楊柳板
橋西。還有個人憔悴兩眉底。

又

王西樵

簫局晨香展。流蘇曉夢還。十三小女綠鴉鬟。情似十三
明月未全圓。花影紅屏午。春光碧戶傳。抱來雁柱十

三絃。已覺一絃一柱思華年。

又

陳曾起

殘蝶憐秋草。孤鴻怨夕陽。髻叢又見木樨黃。誰道吳兒
真個鐵心腸。夢向家山好。溪聲繞畫廊。風鳶未穩也
心傷。負了一番雨後敗荷香。

又

成容若

翠袖凝寒薄。簾衣入夜空。病容扶起月明中。惹得一絲
殘篆舊熏籠。暗覺歡期過。遙知別恨同。疎花已自不
禁風。那更夜深清露濕愁紅。

又

暖護櫻桃蕊。寒翻蛺蝶翎。東風吹綠漸冥冥。不信一生
憔悴伴啼鶯。素影飄殘月。香絲拂綺牖。百花迢遞玉
釵聲。索向綠窓尋夢寄餘生。

又

彭爰琴

碧水盈盈渡。青溪渺渺波。畫橋絲柳綠陰拖。正是美人
家住近紅鵝。漫識春風面。曾聞子夜歌。暗潮消息奈
愁何。偏向玉簫聲裏月明多。

菊花新

送張見陽令江華

成容若

愁絕行人天易暮。行向鷓鴣聲裏住。渺渺洞庭波。木葉
下。楚天何處。折殘楊柳應無數。趁離亭笛聲催度。有

幾個征鴻相伴。也送君南去。

醉花陰

丁飛濤

簾影沉沉移午晝。迷迭消金獸。彈淚上花梢。一霎風吹。
片片胭脂透。困人天氣黃梅候。粉汗沾羅袖。鸞鏡掩
重開。試揣紅綿。却是何時瘦。

又

孔振路

莫負郊原花似綺。步履深叢裡。能有幾良辰。小坐莓苔。
偷學閒人耳。頻呼大白浮花史。併勸花沉醉。月上放
花眠。馬上馱歸。明日還如此。

怨王孫

孔振路

夜冷人去。月斜向曙。酒醒燈昏。黯然不語。簾幕簌簌風
開。有誰來。零歌剩舞。疑猶在。情倦怠。欲把餘愁賣。賣
愁不去。仍向酒後茶前。到儂邊。

雨中花

席上聽女郎度曲

孔西銘

圓滿歌喉聲脆。一串驪珠連綴。到柳外橋邊。曉風殘月。
慣下離人淚。四座狂朋心盡醉。況是玉聲敲碎。但記
不分明。都將檀板。打個相思謎。

河傳第六體

虞美人草

陳其年

楚歌四面。戰旗一片。歲歲江東。此花漬透。還是垓下重
瞳。舊啼紅。劉郎原廟空千古。咸陽樹。銀雁飛何處。英

雄兒女。誰念總付東流。野花愁。

杏花天

孔振路

催花御史催花綻。杏腮艷似佳人面。金鈴暗護懸枝畔。
蜂蝶且教驅遣。上苑邊斜飛紫燕。曲江外低垂柳線。
玉樓人倚欄杆倦。雨後落紅一片。

浪淘沙

客山東作

朱錫鬯

華不注山村。客舍雲根。落花時節正消魂。又是東風吹
雨過。燈火黃昏。獨自引清樽。鄉思誰論。聲聲滴滴夜
深聞。夢到江南烟水濶。小艇柴門。

又

孫松坪

薄命負韶華。怕啟窻紗。傷心綵鳳強隨鴉。社燕也知尋舊壘。王謝人家。新柳鬱金芽。裊裊風斜。烟絲籠定欲飛花。如此春光君不住。忍向天涯。

又夏夜

曹實菴

雨氣沒高林。庭院深深。流螢如豆草如針。又是嫩涼時候也。只欠疎砧。舊夢杳難尋。雲水沉沉。海南花發土墻陰。斜月窺人人未起。冷浸孤衾。

又

孔振路

一紙訊平安。顛倒重看。教儂珍重強加餐。端的爲誰愁又病。病也孤單。花押印雙鸞。鴻角週全。不辭千里塞

鴻傳。想起舊歡真似夢。夢也難圓。

又茉莉

白玉碎攢成。數朶晶熒。晚風時候小池亭。一枕覺來香漸放。合院俱清。宜傍玉娉婷。粧淡衫輕。勤將纖手摘繁英。畢竟雲鬟簪遍也。是甚心情。

又

顧梁汾

揀謝却繁華。細雨梨花。女郎山下夢還家。六曲屏歌三徑掩。不似天涯。人起倦咨嗟。強半春賒。陌頭誰問七香車。從自別來梳洗懶。零落堆鴉。

又調琴美人

孔西銘

端坐歛蛾眉。頓起遐思。離鴻別鶴阻歸期。一段閒愁無處說。暫托冰絲。裊裊欲何之。真個情癡。玉纖按徧十三徽。聲入妙來都是淚。不要人知。

又 虞美人草

一劍答君恩。藁葬紅裙。空餘碧草伴黃昏。意氣都隨風雨盡。何況行雲。 澠澠是愁痕。柔態如顰。年年開向楚江濱。無限漢宮芳草色。不忍為羣。

又

沈去矜

擁髻燭花偏。特地遷延。縷金雙枕只空圓。昨夜新霜鴛尾濕。寒到君邊。 片鐵挂簷前。消受無眠。一聲容易破

秋烟。央及潯陽江上雁。莫近離船。

又

閨王 秀 明

疎雨滴青簌。花壓重簷。繡幃人倦思厭厭。昨夜春寒眠未足。莫捲湘簾。 羅袖護纖纖。怕拂香奩。獸爐香倩侍兒添。為甚雙蛾長感翠。自也憎嫌。

雙調望江南

送顧天石

孔振路

多少別。惜別話離尊。君戀東山深舊雨。我依南國望停雲。江樹送歸人。 多少淚。紅淚在羅巾。廿載忘形雖爾汝。一懷離思恰平分。能不暗消魂。

又 題李箕山画

彭爰琴

烟靄裏。恍記舊支筇。斜日六朝江上笛。層嵐五老寺前鐘。驀地又相逢。看未了。雲霧繞空濛。翠壁濕時能作雨。蒼松老去欲爲龍。置我畫圖中。

又 竹夫人

孔西銘

郎心熱。赤體伴郎眠。暮雨朝雲無分做。稜稜瘦骨可人憐。偎抱代嬋娟。無一語。空與並香肩。已到秋來甘棄擲。紅綾被裏沒因緣。要會待明年。

秋千索

毛稚黃

嫩黃楊柳東風後。熨未展眉梢。雙縐猶記長條。復短條。親折處牽郎袖。隔年人面何如舊。拖引得紅儂綠慙。

除却鞋尖似舊時。餘都是今春瘦。

又

成容若

藥欄携手消魂侶。爭不記看承人處。除向東風訴此情。奈竟日花無語。悠揚撲盡春前絮。又百五韶光難駐。滿地梨雲似去年。却多了廉纖雨。

鷓鴣天

馮訥生

玉殿雲樓十二重。金沙縹渺界遙空。手攀琪樹神山上。坐弄珊瑚碧海中。呼白鶴。駕蒼龍。閒吹鐵笛起天風。遙看九點齊州小。殘日如螢墮晚紅。

又 爲陳其年題九青卷

鄒訥士

斷袖相思未慣經。黃姑河畔指雙星。誓如魚墨濃偏淡。
酒到啼鴉醉復醒。須謾語。且徐聽。一聲彈做雨淋鈴。
銅官潑墨如螺黛。更向峯頭望九青。

又咏鷓鴣

史遠公

何處行春不可憐。鷓鴣啼破落花天。深山古道撐枯木。
斜日孤村上冷烟。歌蜀道。怨巴川。縱教行得也凄然。
傷心不用頻傳語。已向江頭聽杜鵑。

又醉吳氏南園

沈鳳于

醉別名園落日西。蒲帆漾月畫橋低。青溪如夢剛剛到。
紅燭迎人慢慢移。殘露冷。曙烏棲。朦朧還問夜何其。

待兒爲拂蒙頭雪。知在梨花小徑歸。

又

顧梁汾

往事驚心碧玉簫。燕猜鶯妬可憐嬌。風波亭上鴛鴦牒。
惶恐灘頭烏鵲橋。辜恨葉。摘情苗。舊時眉眼舊時腰。
相思半晌西窓月。狼籍桐花帶夢飄。

又

彭爰琴

花底拋人掩繡簾。些時情緒總難拈。六么懶換紅牙板。
雙陸愁輸碧玉奩。徒脉脉。儘恹恹。憑他心事上眉尖。
無端最怪窓間月。獨照空床不避嫌。

又

張見陽

客病愁多少。藥醫透窻黃葉滿前飛。宵來欲作還鄉夢。
疊疊雲山何處歸。嗟落魄。悵支離。傍人應勸合時宜。
囊琴久作梅花弄。不爲風吹別調移。

又

黃以永

衰草斜陽古道寒。遠山重叠雁橫天。十年作客風霜易。
千里依人啼笑難。村酒薄。客衾單。西風扶夢入長安。
分明舊日經行處。翠管銀笙夜未闌。

又 贈說書韓修齡

宋荔裳

豹尾班中侍從頻。滑稽似爾絕無倫。投壺博得天顏笑。
只爲詼諧郭舍人。楓欲落。雁來賓。蕪城明月恰逢君。

開元供奉今誰在。抵掌雍門淚滿巾。

又 題女史吳蒞仙畫

尤展成

拂水佳人墮馬粧。春來響屐滿橫塘。繡襦甲帳無消息。
暮雨瀟瀟空斷腸。筆翡翠。硯鴛鴦。吳綾三尺寫紅窻。
青山碧水無人處。亂點桃花賺阮郎。

又 觀獵

孔振路

雪盡寒生草色凋。駸駸獵騎興偏豪。離韝蒼隼雙舒眼。
射虎強弓各在腰。狐兔走。鹿麇逃。仰身一箭得雙鵞。
平原灑盡毛和血。寒日依依下柳梢。

又

曹桐暘

些事關心是暮春。風光着意一番新。花名消恨元無據。
草號忘憂恐未真。山似黛。水如鱗。滿簾青翠闌芳辰。
無端忽聽黃鸝語。偏到愁時越惱人。

又

孔西銘

冷落閒庭春意賒。捲簾欲曙聽啼鴉。掃將殘雪堪爲釀。
收得松針便煮茶。無箇事。度年華。欲杼幽恨向梅花。
離離紅豆情無限。留待東風問我家。

又咏史

成容若

馬上吟成促渡江。分明間氣屬閨房。生憎久閉金鋪暗。
花冷回心玉一床。添哽咽。足淒涼。誰教生得滿身香。

只今西海年年月。猶爲蕭家照斷腸。

又

雁貼寒雲次第飛。向南猶自怨歸遲。誰能瘦馬關山道。
又到西風撲面時。人杳杳。思依依。更無芳樹有烏啼。
憑將掃黛窻前月。持向今宵照別離。

又

別緒如絲睡不成。那堪孤枕夢難憑。因聽紫塞三更雨。
却憶紅樓半夜燈。書鄭重。恨分明。天將愁味釀多情。
起來呵手封題處。偏到鴛鴦兩字冰。

又十月初四夜風雨。明日是亡婦忌辰有感。

塵滿珠簾素帶飄。真成暗度可憐宵。幾回偷拭青衫淚。
忽傍犀奩見翠翹。惟有恨。轉無膠。五更依舊落花朝。
衰楊葉盡絲難盡。冷雨淒風打畫橋。

又 咏別後步何馭六韻

顧天石

不作相思一例看。如何愁緒有多般。耳非醉後尋常熱。
意似秋來特地寒。行不定。睡難安。亂絲狂絮滾成團。
傍人強拉聽歌去。又惹雙眸一陣酸。

南鄉子 懷古

龔芝麓

槐影落官牆。寶瑟瑤笙恨渺茫。負了多情簾外燕。昭陽。
不見臨春鏡裏粧。月地問元霜。遼后臺邊鈿粉荒。玉

漏不知金井換。悲涼。只記長門一夜長。

又 邢州道上

陳其年

秋色冷并刀。一派酸風卷怒濤。並馬三河年少客。粗豪。
皂櫟林中醉射鵰。殘酒憶荆高。燕趙悲歌事未消。憶
昨歌聲寒易水。今朝。慷慨還過豫讓橋。

又

丁飛濤

睡起倦欹鬟。捱到黃昏淚盡斑。影怯空房燈又落。單單。
簷挂春星燕子寒。心事正闌珊。倚徧東風步轉難。眉
暈三分腰一捻。看看。瘦盡梨花春也殘。

又 元夜酒樓勸顧湘槎酒

黃以末

紅袖捧金尊。老去詩人也斷魂。臨酒莫留平日量。殷勤。挽住陽臺一片雲。燈月可憐春。一刻千金未足論。今日花枝憑細看。明晨。已作蕭郎夢裏人。

又

顧天石

虹斷雨初晴。曾把驪歌細細聽。油壁香車如夢裏。分明。送過長亭又短亭。不是柳耆卿也。擅填詞第一名。從是別來風調換。多情。杜宇東風哭小青。

又 曉發蘆溝橋

斜月傍蘆溝。一點寒光滿帝州。未是五更人盡起。悠悠。同跨征鞍各自愁。零落破征裘。值得重來問舊游。逢

着舊人應不識。羞羞。滿帽黃塵滿鬢秋。

又 已巳重三作

陳曾起

燕子語呢喃。一片晴霞滿畫檐。記起常年三月好。初三。薺菜花兒單布衫。烟柳石橋南。梅豆纔圓笋透尖。行向水邊人尙早。厭厭。聽得梳頭喚捲簾。

虞美人 鷓鴣

華商原

嶺雲江雨啼無數。多在深山路。春來百鳥弄清音。惟有杜鵑與爾最傷心。一聲叫破湘天曉。花落黃陵廟。任言行不得哥哥。無奈行人只是要行何。

又 卽事同黃以永九舅分賦

孔振路

去來渾似堂前燕。春到尋常見。當筵照眼賽花枝。更譜
一腔情緒托冰絲。驪珠一串曾無悞。不用周郎顧。泥
人心性未分明。縱是曉風殘月也關情。

又 鞦韆

柳邊墻外香風動。玉腕交加送。絲繩高與畫樓齊。時見
仙裙縹渺入雲飛。一春行樂知多少。最是鞦韆早。過
時空架滿青莎。更有何人來此挂裙拖。

又

願爲明鏡當樓現。瑩淨分嬌面。願爲一幅繡羅襦。盡日
挹卿香汗傍卿裾。願爲三尺鴛鴦枕。夜夜和香寢。願

爲簾箔颺清秋。玉腕時蒙親捲上銀鈎。

又 吳門遇沈馨聞追感延陵舊遊

陳其年

與君且醉楓橋酒。往事思量否。夜烏筵上盡情啼。曾看
兩行紅粉黛眉低。建封去後秋娘老。燕子樓空了。何
誰留得最長條。重倚東風再鬪沈郎腰。

又 昌平道中

成容若

峯高獨石當頭起。影落雙溪水。馬嘶人語各西東。行到
斷崖無路小橋通。朔鴻過盡歸期杳。人向征鞍老。又
將絲淚洒斜陽。回首十三陵樹暮雲黃。

又 詠史

黃漢臣

繁華舊蹟餘金粉。最惜殘香燼。一般惆悵夜啼烏。消得
幾絲香篆博山爐。江南江北愁相續。爭唱無愁曲。黑
頭家。令答紅牋。不記臨春花月是何年。

又 數詞

閨秀 葉蕙綢

一簾秋色供憔悴。晝靜人無二。玉虬清漏又三更。四望
遙天何處五雲橫。六銖衣薄寒生早。七月砧先擣。眉
顰八字鏡中羞。最是九秋天氣十分愁。

玉樓春

咏燕

宋轅文

雕梁畫棟原無數。不問主人隨意住。紅襟惹盡百花香。
翠尾掃開三月雨。半年別我歸何處。相見如將離恨

訴。海棠枝上立多時。飛向小橋西畔去。

又

沈適聲

韶光九十今餘幾。坊曲悵悵飛燕子。獨憐春草不成花。
看盡晚雲都做水。綠江千里魚沉字。永日香消鸞幙
閉。鏡中不見舞鸞人。試問一春多少淚。

又 同沈止嶽南湖聽歌

曹秋岳

船窓倚處蘋風曉。淡學內家粧束好。和歌休用十三絃。
看取櫻桃紅綻早。五湖今夜遊船少。猶勝五陵添蔓
草。玉容扶起玉山頽。鷓鴣一雙花下老。

又 初夏焙茶

吳留村

鴨頭水漲鷗波杳。夏淺春深蝴蝶小。紅沾杜宇淚邊花。綠遍謝家池上草。鈿箏低度西窗曉。乳燕初飛鶯未老。水沉烟底透茶香。睡起玉川風味好。

又柳

朱錫鬯

柔條曾記春前種。乍起三眠纖手弄。烟初冪歷態真濃。絮未顛狂絲尙重。依依別緒長亭共。舊雨殘陽空目送。一灣流水小橋寒。留與斷腸人做夢。

又

孔振路

情知欲別難爲別。故把誓盟珍重說。拈來莫學鏡中花。捉處休爲波底月。春蠶到死繭方就。蠟燭成灰淚仍

結。若忘翠袖對攏時。須記清明寒食節。

又

曹寶菴

蘼蕪一剪城南路。弱絮隨風亂如雨。垂鞭常到日斜時。送客每逢腸斷處。悄悄門巷春將暮。樹底蕙紅愁不語。畫梁燕子睡方濃。落盡香泥却飛去。

又

孔西銘

黃花要作閑庭主。一半秋容先老去。蕭蕭葉上曉霜風。瀏瀏竹間深夜雨。多情不忍將秋負。把酒持螯無徧數。不曾酒滿十分斟。已到魂消腸斷處。

鵲橋仙

吳梅村

園林晚霽。池塘新漲。明月窺人縹渺。千章夏木劇陰森。驚噪起一羣山鳥。織雲暗度。銀河斜轉。露濕桂花香。悄。少年此夜不須眠。把鐵笛橫吹到曉。

又

朱錫鬯

青鸞有翼。飛鴻無數。消息何曾輕到。瑤琴塵滿十三徽。止記得思歸一調。此時便去。梁間燕子。定笑畫眉人老。天涯况是少歸期。又匹馬亂山殘照。

又

孔西銘

機聲軋軋。絲痕裊裊。准擬鵲橋偷渡。年時織就綺羅裳。好送與牛郎着去。牛郎報道。經年辛苦。只會秋期一

度。勸卿將息且停梭。莫教織到消魂處。

明月棹孤舟

送周幹夫之包山

李分虎

采藥名山移棹去。竟不待石尤風住。縹渺無雙。洞天第五。真勝一拳秦駐。帶水頻年離別苦。况千里具區濤怒。角里村深。毛公壇冷。從此是相思路。

梅花引

顧天石

欲黃昏。未黃昏。一樹梅花深閉門。不消魂。却消魂。冷透重幃。淚痕和月痕。寒鷄叫得人心亂。寒笳吹得人腸斷。憶王孫。怨王孫。千種風情。別來誰與論。

踏莎行

丁飛濤

淺碧藏鴉。亂紅吹絮。踈踈幾陣黃梅雨。小橋一帶種桃
花。花邊便是兒家住。近水湘簾。幾重春霧。鷓鴣聲裏
人何處。月明偷出浣溪紗。笑將花影同歸去。

又小飲飛來峯蕭九娘酒壚

余淡心

怪石飛來。冷泉流去。斜陽遠挂湖邊樹。蕭娘雖老尙多
情。當年畱下傷心句。金粉全消。雲英何處。楊花不肯
畱春住。青衫淚洒白頭翁。醒來猶記西陵路。

又

孔西銘

昨日辭鶯。今朝送燕。無情却把多情悞。不如一世醉糝
糊。免教魂夢隨他去。翠被驚寒。羅幃愁暮。此中便是

關山路。爾尋我夢在梅花。我尋爾夢知何處。

又玉鈞斜

彭爰琴

隄上三千。院中十六。一坏何處理香玉。當年來夢與司
花。芳魂都向雷塘宿。陵火尋羊。碑陰叫鵬。年年春草
蕪田綠。馬嵬坡下佛堂西。傷心更有淋鈴曲。

臨江仙第一體

顧天石

草草黃梁一枕。蕭蕭班馬頻嘶。臂間脂印臉邊啼。苦無
多眷戀。又做小分離。去也大難爲去。歸歟未便成歸。
短檠長劔舞荒鷄。曉星無故落。霜葉盡情飛。

臨江仙第二體

黃以永

帶羅知我腰肢細。翠衾知我春寒。銀缸知我影兒單。枕
函知我夜夜不曾眠。茶碾藥爐知我病。菱花知我愁
顏。畫樓知我眼睛穿。羅巾知我紅淚不曾乾。

小重山 重到金陵

龔芝麓

長板橋頭碧浪柔。幾年江表夢。恰同遊。雙蘭又放小簾
鉤。流鶯熟。嗔喚一低頭。花落後庭秋。蔣陵烟樹下。有
人愁。玉簫憑倚賸風流。烏衣燕。飛入舊紅樓。

紅窻月

成容若

燕歸花謝。早因循。又過清明。是一般風景。兩樣心情。猶
記瑣桃影裏。誓二生。烏絲闌紙。嬌紅篆。歷歷春星。道

休辜密約。繫取深盟。語罷一絲香露濕銀屏。

東坡引

客南中

顧天石

羊腸多詰屈。到處推車軾。此中不比長安陌。一條官路
直。一條官路直。蠻烟瘴雨。青衫盡濕。挿天嶂。少白日。
鷓鴣向我分明說。哥哥行不得。哥哥行不得。

錦堂春別體

送吳升谷還蕪

孔振路

偏是今朝送君南去。料想攀留不住。論風流君最擅。擅
南唐金粉。東吳情趣。筆底花香。畫中鳥語。但到處是
春留處。且消停。斟綠醕。對江雲梁月。定添懷句。



